

AFKOMA ARION BANKA ÁRIÐ 2014

Hagnaður Arion banka á árinu 2014 nam 28,7 milljörðum króna eftir skatta samanborið við 12,7 milljarða króna á árinu 2013. Arðsemi eigin fjár var 18,6% samanborið við 9,2% árið 2013. Heildareignir námu 933,7 milljörðum króna samanborið við 938,9 milljarða króna í árslok 2013.

Eiginfjárhlutfall bankans í árslok 2014 var 26,3% en var 23,6% í árslok 2013 og hlutfall eiginfjárbáttar A nam 21,8% samanborið við 19,2% í lok árs 2013.

Ársreikningur bankans er endurskoðaður af Ernst & Young ehf.

Helstu atriði ársreikningsins

- Hagnaður eftir skatta nam 28,6 mö.kr. samanborið við 12,7 ma.kr. árið 2013.
- Eiginfjárhlutfall nam 26,3% í lok árs samanborið við 23,6% í árslok 2013.
- Arðsemi eigin fjár var 18,6% samanborið við 9,2% árið 2013.
- Hreinar vaxtatekjur námu 24,2 mö.kr. samanborið við 23,8 ma.kr. árið 2013.
- Hreinar þóknatekjur námu 13,3 mö.kr. samanborið við 11,2 ma.kr. árið 2013.
- Rekstrartekjur hækka á milli ára og námu 54,0 mö.kr. samanborið við 44,3 ma.kr. árið 2013.
- Hrein virðisbreyting er jákvæð á árinu og nemur 2,1 ma.kr., samanborið við 0,7 ma.kr. gjaldfærslu árið 2013.
- Tekju- og bankaskattar námu samtals 7,3 mö.kr. samanborið við 6,0 ma.kr. árið 2013.
- Hagnaður af aflagðri starfsemi nam 6,8 mö.kr. samanborið við 0,4 ma.kr. árið 2013.
- Kostnaðarhlutfall var 50,1% en var 57,3% árið 2013.
- Eigið fé bankans var 162,2 ma.kr. en nam 144,9 mö.kr. í lok árs 2013. Bankinn greiddi arð til hluthafa sinna upp á 7,8 ma.kr. á árinu 2014.

Helstu atriði fjórða ársfjórðungs

- Hagnaður á fjórða ársfjórðungi nam 6,0 mö.kr. samanborið við 2,5 ma.kr. á fjórða ársfjórðungi 2013.
- Arðsemi eigin fjár á fjórða ársfjórðungi var 14,8% samanborið við 7,1% á sama tímabili árið 2013.

Höskuldur H. Ólafsson, bankastjóri Arion banka:

„Afkoma Arion banka var góð á árinu 2014. Regluleg starfsemi bankans gekk vel og afkoma var umfram væntingar á öllum helstu tekjusviðum. Óreglulegir liðir höfðu einnig jákvæð áhrif á afkomuna og þá fyrst og fremst sala á hlut í HB Granda og vel heppnuð skráning félagsins á aðalmarkað kauphallar, en einnig höfðu jákvæðar virðisbreytingar áhrif.

Góður árangur hefur náðst við að auka fjölbreytni í fjármögnun Arion banka og er bankinn í dag langstærsti útgefandi sértryggðra skuldabréfa hér á landi.



Við höfum gert ráð fyrir því á undanförunum árum að vaxtamunur bankans myndi lækka, sem hann hefur gert um 0,6 prósentustig, úr 3,4% í 2,8%, á tveggja ára tímabili. Því höfum við lagt áherslu á að auka þóknatekjur á öllum sviðum bankans. Það hefur tekist og jukust þóknatekjur um tæp 19% á árinu, einkum í erlendum greiðslukortum og fjárfestingabankastarfsemi

Arion banki jók á árinu hlut sinn í Valitor í um 99% með kaupum á 38% hlut af Landsbankanum. Við höfum mikla trú á Valitor sem hefur verið leiðandi í uppbyggingu greiðslukortakerfisins hér á landi og skipar mikilvægan sess í starfsemi, stefnu og framtíðarsýn Arion banka. Valitor hefur undanfarið haslað sér völl á erlendum vettvangi og eru spennandi tímar framundan hjá félaginu.

Áhrifa óreglulegra liða mun gæta í minna mæli á næstu misserum enda góður stöðugleiki í rekstri bankans og úrvinnsluverkefnum sem tengjast hruninu fækkar ár frá ári. Það verður áfram forgangsatríði að efla þjónustu við viðskiptavini okkar og styrkja þannig reglulega starfsemi bankans og arðsemi enn frekar. Þar skiptir miklu áframhaldandi áhersla á þóknatekjur og frekari hagræðingu sem mun meðal annars nást með frekari þróun þjónustuleiða og þeirra nýjunga sem eru að eiga sér stað í okkar þjónustu við viðskiptavini. Í því sambandi vil ég sérstaklega nefna Arion appið og miklar vinsældir þess en einnig nýja útibúið okkar í Borgartúni sem gefur tóninn um framtíðarþróun okkar útibúa.“

Símafundur á ensku

Arion banki mun halda símafund á ensku fyrir markaðsaðila, miðvikudaginn 25. febrúar klukkan 9:15. Á fundinum mun Stefán Pétursson, fjármálastjóri Arion banka, fara yfir helstu atriði í uppgjöri bankans. Áhugasamir geta sent tölvupóst á ir@arionbanki.is og fá í kjölfarið sendar nánari upplýsingar.

Nánari upplýsingar veitir Haraldur Guðni Eiðsson, samskiptasviði Arion banka, haraldur.eidsson@arionbanki.is, s: 856 7108.



Rekstrarreikningur – helstu atriði

Rekstrarreikningur				
<i>Í milljónum króna</i>	2014	2013	Breyting	Breyt. %
Hreinar vaxtatekjur	24.220	23.800	420	2%
Hreinar þóknatekjur	13.309	11.223	2.086	19%
Hreinar fjármunatekjur	6.478	3.441	3.037	88%
Hreinn gengishagnaður (tap)	812	(1.766)	2.578	-
Aðrar rekstrartekjur	9.171	7.650	1.521	20%
Rekstrartekjur	53.990	44.348	9.642	22%
Laun og launatengd gjöld	(13.979)	(13.537)	(442)	3%
Annar rekstrarkostnaður	(13.063)	(11.858)	(1.205)	10%
Hrein virðisbreyting	2.135	(680)	2.815	-
Hagnaður fyrir skatta	29.083	18.273	10.810	59%
Tekjuskattur	(4.679)	(3.143)	(1.536)	49%
Bankaskattur	(2.643)	(2.872)	229	(8%)
Hagnaður af áframhaldandi starfsemi	21.761	12.258	9.503	78%
Afkoma af aflagðri starfsemi eftir skatta	6.833	399	6.434	-
Hagnaður ársins	28.594	12.657	15.937	126%

Rekstrartekjur

Rekstrartekjur hækka talsvert á milli ára eða um 9.642 milljónir króna en þær námu 53.990 milljónum króna á árinu. Hækkunin er einkum tilkomin vegna 3.037 milljóna króna hækkunar á hreinum fjármunatekjum, 2.578 milljóna króna viðsnúningi á hreinum gengishagnaði og 2.086 milljóna króna hækkunar á hreinum þóknatekjum.

Hreinar vaxtatekjur námu 24.220 milljónum króna á árinu og hækka um 2% milli ára. Vaxtamunur af meðalstöðu vaxtaberandi eigna nam 2,8% á árinu en var 2,9% á árinu 2013. Þrátt fyrir lægri verðbólgu, sem áhrif hefur á verðtryggðar eignir, er vaxtamunur svipaður og skýrist það einkum af lægri fjármagnskostnaði með virkari lausafjárstýringu.

Hreinar þóknatekjur aukast um tæp 19% milli ára og námu 13.309 milljónum króna á árinu 2014. Aukningin er að mestu tilkomin vegna hærri þóknatekna af greiðslukortum og af auknum umsvifum á fjárfestingarbankasviði.

Hreinar fjármunatekjur hækkuðu mikið milli ára og námu 6.478 milljónum króna á árinu 2014 samanborið við 3.441 milljónir króna á árinu 2013. Mestu munar þar um uppreikning á eignarhlut í HB Granda hf. en félagið var skráð á NASDAQ Íslandi í apríl 2014. Almenn var ávöxtun hlutabréfa með ágætum á árinu en verð á skuldabréfum átti nokkuð undir högg að sækja. Arðstekjur voru 829 milljónum króna hærri á árinu 2014 en árið 2013.

Hreinn gengishagnaður nam 812 milljónum króna á árinu samanborið við 1.766 milljóna króna gengistap árið 2013. Hreinn gjaldeyrisójöfnuður samstæðunnar nam 18,9 milljörðum króna í lok ársins sem felur í sér að gengissveiflur hafa nokkur áhrif á rekstrartekjur. Hreinn gjaldeyrisójöfnuður var 31,6 milljarður króna í árslok 2013 en bankinn vann á árinu markvisst að lækka á hreinni gjaldeyrisstöðu sinni. Gjaldeyrisójöfnuður móðurfélagsins er langt innan þeirra 15% marka sem Seðlabankinn setur.

Aðrar rekstrartekjur námu 9.171 milljón króna á árinu og hækka töluvert frá fyrra ári. Aðrar rekstrartekjur eru einkum tekjur af hlutdeildarfélögum, leigutekjur, virðisbreytingar og söluhagnaður af atvinnuhúsnæði í eigu Landfesta ehf. (fyrrum dótturfélags bankans) og Landeyja samstæðunnar og tekjur af iðgjöldum hjá OKKAR líftryggingum hf. Hækkun samanborið við fyrra ár skýrist einkum af mun hærri hagnaði og virðisbreytingum af hlutdeildarfélögum en hækkunin nemur 1.512 milljónum króna. Leigutekjur fjárfestingareigna lækka umtalsvert milli ára með brotthvarfi Landfesta ehf. úr samstæðunni.



Rekstrarkostnaður

Rekstrarkostnaður ársins nam samtals 27.042 milljónum króna. Kostnaðarhlutfall lækkar í 50,1% en var 57,3% árið 2013. Kostnaður sem hlutfall af eignum nam 2,9% en var 2,8% árið 2013.

Laun og launatengd gjöld námu 13.979 milljónum króna og hækka um 3% á milli ára. Hluti hækkunarinnar kemur til af samningsbundnum hækkunum upp á 2,8%, kostnaði vegna kaupaukakerfis og einkisþingakostnaði vegna fækkunar starfsmanna. Stöðugildi samstæðunnar voru að meðaltali 1.128 á árinu 2014 samanborið við 1.159 árið 2013.

Annar rekstrarkostnaður nam 13.063 milljónum króna og hækkar um 10% milli ára. Umtalsverður einkisþingakostnaður vegna niðurfærslu eigna og sekta frá Samkeppniseftirlitinu skýrir þessa hækkun frá fyrra ári að mestu.

Hrein virðisbreyting

Hrein virðisbreyting nam 2.135 milljónum króna og skiptist í stórum dráttum í þrennt. Í fyrsta lagi er um að ræða hreina virðishækkun á lánum til fyrirtækja upp á 2.300 milljónir króna. Í öðru lagi er hrein virðisrýrnun vegna útlána til einstaklinga um 851 milljón króna. Í þriðja lagi er hrein virðishækkun annarra eigna 686 milljónir króna.

Skattar

Tekjuskattur nam 4.679 milljónum króna samanborið við 3.143 milljónir króna árið 2013. Tekjuskattur, eins og hann er settur fram í ársreikningi, samanstendur af 20% tekjuskatti af hagnaði og 6% sérstökum fjársýsluskatti sem lagður er á hagnað fjármálafyrirtækja umfram einn milljarð króna. Virkt tekjuskattshlutfall er 16,1% á árinu 2014 samanborið við 17,2% árið 2013.

Bankaskattur nam 2.643 milljónum króna samanborið við 2.872 milljónir króna árið 2013.

Tekju- og bankaskattar nema því samtals 7,3 mö.kr. samanborið við 6,0 ma.kr. árið 2013.

Afkoma af aflagðri starfsemi

Hagnaður af aflagðri starfsemi nam 6.833 milljónum króna á árinu. Í apríl sl. seldi bankinn 18,8% hlut í HB Granda hf., en bankinn átti fyrir sölu 31% hlut, og er stærstur hluti þessa hagnaðar tilkominn af þeirri sölu. Í kjölfar sölnnar og skráningar félagsins á markað var eignarhlutur bankans fluttur undir verðbréfaeign og tekur hann verðbreytingum í samræmi við skráð gengi. Þær virðisbreytingar flokkast undir hreinar fjármunatekjur í rekstrarreikningi.



Fjórði ársfjórðungur 2014

Arðsemi eigin fjár var 14,8% á fjórða ársfjórðungi 2014 samanborið við 7,1% á fjórða ársfjórðungi 2013.

Rekstrarreikningur				
<i>Í milljónum króna</i>	4F 2014	4F 2013	Breyting	Breyt. %
Hreinar vaxtatekjur	5.911	5.487	424	8%
Hreinar þóknatekjur	3.190	2.939	251	9%
Hreinar fjármunatekjur	1.181	1.452	(271)	(19%)
Hreinn gengishagnaður (tap)	248	(731)	979	-
Aðrar rekstrartekjur	5.208	3.615	1.593	44%
Rekstrartekjur	15.738	12.762	2.976	23%
Laun og launatengd gjöld	(3.953)	(4.098)	145	(4%)
Annar rekstrarkostnaður	(4.465)	(3.114)	(1.351)	43%
Hrein virðisbreyting	(742)	(561)	(181)	32%
Hagnaður fyrir skatta	6.578	4.989	1.589	32%
Tekjuskattur	(222)	(292)	70	(24%)
Bankaskattur	(636)	(2.572)	1.936	(75%)
Hagnaður af áframhaldandi starfsemi	5.720	2.125	3.595	169%
Afkoma af aflagðri starfsemi eftir skatta	241	402	(161)	(40%)
Hagnaður tímabilsins	5.961	2.527	3.434	136%

Rekstrartekjur á fjórða ársfjórðungi hækka um 23% milli ára. Mest er hækkunin í öðrum rekstrartekjum en þar vegur þýngst hlutdeild í afkomu og virðisbreytingum hluteldarfélaga sem er 1.969 milljónum króna hærri á fjórða ársfjórðungi 2014 en 2013. Einnig er hreinn gengishagnaður af gjaldmiðlum 979 milljónum króna hærri á lokafjórðungi ársins 2014 samanborið við sama tímabil 2013.

Rekstrarkostnaður er í heild hærri á fjórða ársfjórðungi 2014 samanborið við fjórða ársfjórðung 2013. Skýrist það að nokkru af sektum Samkeppniseftirlitsins og niðurfærslu eigna í lok árs.



Efnahagsreikningur – helstu atriði


Eignir	31.12.2014	31.12.2013	Breyt.%
<i>Í milljónum króna</i>			
Sjóður og innstæður hjá Seðlabanka Íslands	21.063	37.999	(45%)
Lán til lánastofnana	108.792	102.307	6%
Lán til viðskiptavina	647.508	635.774	2%
Verðbréfaeign	101.828	86.541	18%
Fjárfestingareignir	6.842	28.523	(76%)
Eignarhlutir í hlutdeildarfélögum	21.966	17.929	23%
Óefnislegar eignir	9.596	5.383	78%
Fastafjármunir til sölu og aflögð starfsemi	3.958	10.046	(61%)
Aðrar eignir	12.182	14.348	(15%)
Eignir samtals	933.736	938.850	(1%)

Heildareignir samstæðu Arion banka námu 933.736 milljónum króna í árslok. Breytingar á einstökum eignaflokkum á árinu eru einkum vegna breytinga í lausafjárstýringu bankans sem tengjast m.a. nýlega innleiddu lausafjárhlutfalli, LCR. Þessi breyting birtist m.a. í lægri innstæðum hjá Seðlabanka Íslands, hækkun á lánum til lánastofnana og aukinni verðbréfaeign. Þá var nokkuð um nýjar lánveitingar á árinu, bæði til einstaklinga og fyrirtækja í sjávarútvegi, fasteignarekstri og iðnaði. Fjárfestingareignir lækka talsvert á árinu vegna sölu á dótturfélaginu Landfestar ehf. og lækkuð á fastafjármunum til sölu og aflögðri starfsemi er að mestu tilkomin vegna sölu á eignarhlut í HB Granda hf.


Lán til viðskiptavina

Lán til viðskiptavina námu 647.508 milljónum króna í árslok. Frá árinu 2010 hefur lánabók samstæðunnar stækkað umtalsvert og tveir atburðir skýra einkum þá stækkun. Í fyrsta lagi kaup bankans á Arion Bank Mortgages Institutional Investor Fund, í árslok 2011 og í annan stað þegar bankinn eignaðist einstaklingslán sem veitt voru af SPRON að virði ríflega 50 milljarða króna í árslok 2013. Íbúðarlán eru stór hluti af lánum til einstaklinga og umtalsverður hluti þeirra er áhættulítillán með mjög góða veðstöðu.

Lánasafn samstæðunnar er vel dreift. Um helmingur þess er eru lán til einstaklinga og hinn helmingurinn er til fyrirtækja í hinum ýmsu atvinnugreinum og er skiptingin í takt við samsetningu íslenska efnahagsumhverfisins. Á myndinni hér til hliðar má sjá skiptingu lánasafns fyrirtækja í árslok 2014 eftir atvinnugreinum.



Skipting lánabókar fyrirtækja (í %)





Verðbréfaeign

Verðbréfaeign nam 101.827 milljónum króna í árslok samanborið við 86.541 milljónir króna í árslok 2013.

Verðbréfaeign			
Í milljónum króna	31.12.2014	31.12.2013	Breyt.%
Skuldabréf	66.465	62.171	7%
Hlutabréf og hlutdeildarskírteini	25.233	17.449	45%
Afleiðusamningar	1.026	1.070	(4%)
Verðbréf til áhættuvarna	9.104	5.851	56%
Verðbréf samtals	101.828	86.541	18%

Hækkunin er einkum tilkomin vegna breytinga í lausafjárstýringu bankans á árinu og viðbót í hlutabréfastöðu m.a. vegna Eikar fasteignafélags hf. og skráningar og endurflokkunar á eignarhlut bankans í HB Granda hf.

Óefnislegar eignir

Óefnislegar eignir námu 9.596 milljónum króna í árslok samanborið við 5.383 milljónir króna í árslok 2013. Hækkunin er tilkomin vegna kaupa dótturfélagsins Valitor Holding hf. á dönsku félagasamstæðunni AltaPay A/S. Tilgangur kaupanna er að styðja við stefnu Valitor í uppbyggingu á starfsemi félagsins á Norðurlöndunum á sviði netviðskipta.

Skuldir og eigið fé

Skuldir og eigið fé			
Í milljónum króna	31.12.2014	31.12.2013	Breyt.%
Innlán lánastofnana og Seðlabanka Íslands	22.876	28.000	(18%)
Innlán frá viðskiptavinum	454.973	471.866	(4%)
Fjárskuldir á gangvirði	9.143	8.960	2%
Aðrar skuldir	52.314	48.591	8%
Lántaka	200.580	204.568	(2%)
Víkjandi skuldir	31.639	31.918	(1%)
Eigið fé	162.211	144.947	12%
Skuldir og eigið fé samtals	933.736	938.850	(1%)

Heildarskuldir námu 771.524 milljónum króna í árslok samanborið við 793.903 milljónir króna í árslok 2013.

Innlán

Heildarinnlán námu 477.849 milljónum króna í árslok og lækka nokkuð milli ára, sem skýrist að mestu leyti af stórum hreyfingum í tengslum við umfangsmikil viðskipti á íslenskum markaði á lokadögum ársins 2014.

Lántaka

Lántaka bankans nam 200.580 milljónum króna í árslok. Breyting á árinu er einkum tilkomin vegna uppgreiðslu á sértryggðum verðtryggðum skuldabréfum upp á 20 milljarða króna í júlí, en á móti gaf bankinn út 10 milljarða óverðtryggð sértryggð skuldabréf, sem eru til greiðslu á árinu 2015. Þá lækkaði lántakan einnig vegna sölu á fasteignafélaginu Landfestum ehf. út úr samstæðu bankans en félagið var með skráða útgáfu upp á tæpa 3 milljarða króna.

Snemma á árinu 2014 fékk bankinn lánshæfiseinkunn frá alþjóðlega lánshæfisfyrirtækinu Standard & Poor's, fyrstur íslenskra banka í ríflega fimm ár. Einkunnin BB+ var svo staðfest af lánshæfisfyrirtækinu í október sl. og horfum bankans breytt úr stöðugum í jákvæðar. Þetta



lánshæfismat ásamt jákvæðum horfum, mun auka möguleika bankans á innlendum og alþjóðlegum lánsfjármörkuðum á næstu misserum.

Kennitöluyfirlit

Kennitölur	2014	2013
Arðsemi eigin fjár	18,6%	9,2%
Arðsemi eigna	3,0%	1,4%
Vaxtamunur á vaxtaberandi eignir	2,8%	2,9%
Vaxtamunur á heildareignir	2,6%	2,6%
Kostnaðarhlutfall	50,1%	57,3%
Kostnaður sem hlutfall af eignum	2,9%	2,8%
Virkur tekjuskattur	16,1%	17,2%
CAD hlutfall (Eiginfjárlutfall FME)	26,3%	23,6%
CET1 hlutfall	21,8%	19,2%
Vogunarhlutfall	15,4%	14,5%
Vandræðalán	4,4%	6,3%
Áhættuvegnað eignir sem hlutfall af heildareignum	74,5%	76,8%
Útlán sem hlutfall af innlánum	142,3%	134,7%
Meðalfjöldi stöðugilda	1.128	1.159
Fjöldi stöðugilda í lok ársins- samstæða	1.139	1.145
Meðalfjöldi stöðugilda - móðurfélag	890	923
Fjöldi stöðugilda í lok ársins - móðurfélag	865	911

Fjárhagsdagatal

Samkvæmt áætlun munu uppgjör bankans verða birt sem hér segir:

Aðalfundur 2015	19. mars 2015
Árshlutauppgjör 1F 2015	12. maí 2015
Árshlutauppgjör 2F 2015	26. ágúst 2015
Árshlutauppgjör 3F 2015	11. nóvember 2015

Dagatalið er birt með fyrirvara um breytingar.